摛藻堂四庫全書

薈

要

史部

01739620 浙大图书馆

詳校官員外郎臣楊世綸

欽定四庫

通鑑紀事本末卷三十四下

也吾年十五擁節族自恨不知稼穑之艱難況師道復 欽定四庫全書薈要卷八千七百六十二 欠己日年公告 // 通鑑紀事本末卷三十四下 之計諸公必不察也及師古疾寫師道時知密州事 吾數歲吾欲使之知衣食之所自來且以州縣之 憲宗討淄青李師道 外不免貧宴師古私謂所親曰吾非不友於師道 ?宗元和元年 初李師古有異母弟曰師道常 通鑑紀事本末 宋 撰

好畫及屬藥師古謂判官高沐李公度曰迨吾之未亂 也欲有問於子我死子欲奉誰為帥乎二人相顧未對 幸諸公審圖之閏六月壬戌朔師古薨沐公度私不發 師 師道總軍務久之朝命未至師道謀於將佐或請出兵 不務訓兵理人專習小人賤事以為己能果堪為師乎 以潛逆師道於密州奉以為節度副使 古曰豈非師道乎人情誰肯薄骨肉而厚它人顧置 不善則非徒敗軍政也且覆吾族師道為公侯子 秋八月李

卷三十四下

武元衡 餘萬編匹穀二萬餘科事見憲宗 十年官軍之討吳元濟也李師道使大將將二千趨壽 春欲為元濟之援又使盜攻河陰轉運院燒錢帛三 未平己已以師道為平 盧留後知鄆州事 繼奉表請京師杜黃裳請乗其未定而分之上以劉闢 掠四境高沐固止之請輸兩稅申官吏行鹽灋遣使 壬午以平盧留後李師道為節度使 秋八月李師道置留後院於東都本道人 夏六月癸卯盜殺

灾足习事 全書

皆趫勇謂之山棚元膺設重購以捕賊數日有山棚鬻 掠己烹牛餐士明日將發其小卒請留守日元膺告變 雜沓往來更不敢詰時淮西兵犯東畿防禦兵悉屯伊 元膺急追伊闕兵圍之賊衆突出防禦兵踵其後不 賊出長夏門望山而追是時都城震駭留守兵寡 膺坐皇城門指使部分意氣自若都人賴以安東 師道潛内兵於院中至數十百人謀焚宮闕縱兵殺 **節號皆高山深林民不耕種專以射羅為生人**

舍 圓淨罵曰鼠子折人脛且不能敢稱健兒乃自置其脛 珍等竊發城中圓淨舉火於山中集二縣山棚入城助 圓淨以師道錢千萬陽為治佛光寺結黨定謀約令嘉 中盡獲之按驗得其魁乃中岳寺僧圓淨故當為史思 鹿賊遇而奪之山棚走召其齊類且引官軍共圍之谷 |圓淨時年八十餘捕者既得之奮鍵擊其脛不能折 將勇悍過人為師道謀多買田於伊闕陸軍之間以 山棚而衣食之有害嘉珍門察者潛部分以屬圓淨

容慎者至於師道謀屠都城燒官關悖逆尤甚不可 教使折之臨刑數曰誤我事不得使洛城流血黨與死 師道也元膺密以聞以檻車送二人請京師上業已討 名為之耳目元膺鞘訾 嘉珍門察始知殺武元衡者乃 王承宗不復窮治元膺上言近日藩鎮跋扈不臣有可 者凡數千人留守防禦將二人及驛卒八人皆受其職 上以為然而方討吳元濟絕王承宗故未暇治師 冬十一月丁酉武寧節度使李愿奏敗李師道之

濟大喜厚禮而遣之晏平還至軍師道屏人而問之安 柵 其形勢牙前虞候劉晏平應募出汴宋問潛行至蔡元 十二年官軍之攻呉元濟也李師道募人通使於蔡察 道之界斬首二千餘級逐北至平陰而還愿晟之子也 都 泉時師道數遣兵攻徐州敗蕭沛數縣愿悉以步騎 押牙温人王智與擊破之十二月甲辰智與又破 而懼詐請輸款上以力未能討加師道檢校司空 一年冬十一月李師道聞李光顏等拔吳元濟陵雲

通盥犯事本末

之功名乎師道由是疎沐等出沐知萊州會林英入奏 道素倚淮西為援聞之驚怒尋誣以它過杖殺之 博典於内晏然曾無憂色以愚觀之殆必亡不久矣師 平曰元濟暴兵數萬於外贴危如此而日與僕妄遊戲 高沐等所疾尚書奈何不憂十二州之土地以成沐等 信涕泣言於師道曰文會等盡誠為尚書憂家事反為 公度屢諫之判官李文會孔目官林英素為師道所親 初李師道謀逆命判官高沫與同僚郭即李

婢蒲氏表氏及孔目官王再升謀之大將及幕僚莫得 李師道暗弱軍府大事獨與妻魏氏奴胡惟堪楊自温 以自贖師道從之遣使奉表請使長子入侍并獻沂密 為李公度及牙将李英曇因其懼而説之使納質獻 皆指為高沐之黨而囚之及淮西平師道憂懼不知 事令進奏吏密申師道云沐潛輸款於朝廷文會從 三州上許之春正月遣左常侍李遜諸鄆州宣慰 之師道殺沐并囚郭即凡軍中勸師道效順者文

謂其用事奴曰今大禍將至豈非高沐冤氣所為若又 内之兵不下數十萬不獻二州不過以兵相加若力戰 預馬魏氏不欲其子入質與蒲氏家氏言於師道曰自 殺之李孫至鄆州師道大陳兵迎之逐盛氣正色為陳 不勝獻之未晚師道乃大悔欲殺李公度幕僚賈直言 先司徒以來有此十二州奈何無故割而獻之令計境 定四庫全書 福責其決語欲白天子師道退與其黨謀之皆曰第 公度軍府其危哉乃囚之遷字英雲於來州未至縊

史武節度使李光顏為義成節度使謀討師道也 縛載檻車妻子係累者以獻師道怒囚之五月丙申以 決意討之買直言目刃諫師道者二與親諫者一又畫 恐必須用兵既而師道表言軍情不聴納質割地上怒 有二三遜察師道非實誠歸言於上曰師道頑愚反覆 私且迫於將士之情故遷延未遣今重煩朝使豈敢復 許之它日正煩一表解紛耳師道乃謝曰歸以父子之 河陽都知兵馬使曹華為棣州刺史韶加横海節度副

精兵三千赴鎮河陽兵不樂去鄉里中道潰歸又不 冬十一月壬寅以河陽節度使鳥重屑為橫海節度 狀字師道令宣武魏博義成武寧横海兵共討之 **兀濟既平韓弘懼九月自將兵擊李師道圍曹州** 」未以華州刺史令狐 楚為河陽節度使重角以河陽 城屯于城北将大掠令狐楚適至軍騎出慰撫之 七月癸未朔徒李愬為武寧節度使乙酉下制罪 六月丁丑復以鳥重角領懷州刺史鎮河陽 起三十四下

生觀望之勢又或與李光顏互相疑阻益至遷延與其 擊方有成功既至滑州即仰給度支徒有供的之勞更 霜降水落自楊劉渡河直指鄆州得至陽穀置營則兵 渡河而不進不若養威於河北宜且使之秣馬厲兵 顏討李師道裴度曰魏博軍既渡河不可復退立須 俱歸先是田弘正請自黎陽渡河會義成節度使 勢自盛賊衆搖心矣上從之是月弘正將魏博全師 劉渡河距鄆州四十里築壘賊中大震 通鑑紀事本末 自

等四十七人上皆釋弗誅各付所獲行營驅使曰若有 **戊寅魏博義成軍送所獲李師道都知兵馬使夏侯登** 師 及官軍四臨平盧兵勢日蹙將士喧然皆曰髙沐郭 古薨師道立元規辭去文會屬師道親黨請留元規 母欲歸者優給遣之朕所誅者師道而已於是賊中 之降者相繼初李文會與兄元規皆在李師古幕下 存為司空忠謀李文會奸佞殺沐囚即存以致此禍 行謂文會曰我去身退而安全汝留必驟貴而受禍

要地既失之其刺史遣驛騎告急左右不為通師道至 輒憂悸成疾由是左右皆蔽匿不以實告金鄉究州之 寧節度使李慰與平盧兵十一戰皆捷己卯晦進攻 鄉克之李師道性懦怯自官軍致討聞小敗及失城邑 師道不得已出文會攝登州刺史召即存還幕府

道所署沭陽令梁洞以縣降于楚州刺史李聴

四年春正月辛已韓弘拔考城殺二千餘人丙戌師

飲定回車全書

武寧節度使李恕拔魚臺 於東阿殺萬餘人 丙午田引正奏敗平盧兵於陽穀 平盧兵於沂州拔承縣李師道聞官軍侵逼發民治 弘正渡河悟軍無備戰又數敗或謂師道曰劉悟不修 軍悟務為寬惠使士卒人人自便軍中號曰劉父及田 城輕修守備役及婦人民益懼且怨都知兵馬使 正臣之孫也師道使之將兵萬餘人屯陽穀以拒官 二月李聴襲海州克東海朐山懷仁等縣李愬敗 丙申田弘正奏敗淄青五

終為患不如早除之丙辰師道潛遣二使齎帖授行營 遊戲頗得其陰謀密疏以白父又有謂師道者曰劉悟 將兵在外署悟子從諫門下別奏從諫與師道諸奴日 **兵馬副使張暹令斬悟首獻之勒暹權領行營時悟方** 厚贈金帛以安其意悟知之還營陰為之備師道以悟 之或諫曰今官軍四合悟無逆狀用一人言殺之諸 **灋專收衆心恐有它志宜早圖之師道召悟計事** 誰肯為用是自脱其瓜牙也師道留悟旬日復遣之

The start of the control

據高丘張幕置酒去營二三里二使至營密以帖授選 然之暹懷帖走請悟屏人示之悟潛遣人先執二使殺 忽忽遇請先往白之云司空遣使存問将士無有賜物 於司空今司空信讒言來取悟首悟死諸公其次矣且 之時已向幕悟按轡徐行還營坐帳下嚴兵自衛召諸 素與悟善陽與使者謀曰悟自使府還頗為備不可 厲色謂之曰悟與公等不顧死亡以抗官軍誠無負 都頭速歸同受傳語如此則彼不疑乃可圖也使者

宣徒免危亡富貴可圖也諸公以為何如兵馬使趙 股栗曰惟都頭命願盡死乃令士卒曰入鄆人賞錢 轉立於衆首良久對日如此事果濟石悟應聲罵 日汝 之并斬軍中素為家所惡者凡三十餘尸於帳前餘皆 與司空合謀邪立斬之徧問其次有遲疑未言者悉 之族滅欲與諸公卷旗東甲還入鄆州奉行天子之命 天子所欲誅者獨司空一人今軍勢日蹙吾曹何為 惟不得近軍帑其使宅及逆黨家財任自掠取有仇 Will Compare To date to the 通鑑紀事本末

有發弓矢者俄知不支皆投於地悟勒兵升 明悟駐軍使聽城上桥聲絕使十人前行宣言劉都 帖追入城門者請俟寫簡白使十人拔刀擬之皆富 枚馬縛口遇行人執 報之使士卒皆飽食執兵夜半聴鼓三聲絕即行 拒守尋縱火斧其門而入牙中兵不過數百始 引大軍繼至城中課華動地比至子城已洞開 道師道與二子伏風牀下索得之悟命置牙門 ,留之人無知者距城數里天未 衜

喜皆入賀悟見李公度執手歐軟出買直言於獄置 慰安之斬贊師道逆謀者二十餘家文武將吏且懼且 隊地使人謂曰悟奉密詔送司空歸闕然司空亦何 坊市禁掠者即時皆定大集兵民於毬場親乗馬巡繞 此速死為幸尋皆斬之自卯至午悟乃命兩都虞候 日事成當舉烽相白萬一城中有備不能入願公引 見天子師道猶有幸生之意其子弘方仰日事已 府悟之自陽穀還兵趨鄆也潛使人以其謀告田

兵為助功成之日皆歸於公悟何敢有之且使弘正進 首函至自廣德以來垂六十年藩鎮跋扈河南北三十 皆平孔正初得師道首疑其非真召夏侯澄使識之澄 首遣使送弘正管弘正大喜露布以聞淄青等十二州 據己管弘正見烽知得城遣使往賀悟函師道父子三 慟 乙丑命户部侍郎楊於陵為淄青宣撫使己巳李師道 哭孔正為之改容義而不責 壬戌田弘正捷奏至 視其面長號順絕久之乃抱其首紙其目中塵垢復

與諸公抱子弄孫夫復何憂上欲移悟它鎮恐悟不受 更易州縣長吏謂其下曰軍府之政一切循舊目今但 **爵悉以與之意謂盡得十二州之地遂補署文武將佐** 淄青齊登萊為一道究海沂密為一道上從之劉悟以 寡校倉庫虚實分為三道使之適均以鄆曹濮為一道 於陵分李師道地於陵按圖籍視土地遠邇計士馬衆 初討李師道詔云部將有能殺師道以衆降者師道官 餘州自除官吏不供貢賦至是盡遵朝廷約東上命 通鑑紀事本末

钦定四車全書

以助其勢引正聞之笑曰是聞除改登即行矣何能為 代復須用兵密韶田弘正察之弘正日遣使者詣悟託 即受旌節馳詣滑州辟李公度李存郭即賈直言以自 哉庚午以悟為義成節度使悟聞制下手足失墜明日 軍中壯士手搏與魏博使者庭觀之自搖肩攘臂離坐 言修好實觀其所為悟多力好手搏得鄆州三日則教 隨悟素與李文會善既得鄆州使召之未至聞將移鎮 行弘正將數道兵已至城西二里與悟相見於客亭

將敗數月聞風動鳥飛皆疑有變禁鄆人親識宴聚及 以雪三齊之憤怨乎乃詐為悟帖遣使即文會所至取 刺史癸酉加田引正檢校司徒同平章事先是字師道 其首以來使者遇文會於豐齊驛斬之比還悟及即存 為人所掠田宅没官詔以淄青行營副使張暹為戎州 已去無所復命矣文會二子一亡去一死於弑家貲悉 人所共讎也不乗此際誅之田相公至務施寬大將 存謀曰文會佞人敗亂淄青一道滅李司空之族

1. Aug. 1

惠若復為嚴察是以禁易禁也庸何愈馬先是賊數清 寒食七晝夜不禁行人或諫曰鄆人久為冠敵今雖平 王士元等及賞潼關蒲津吏卒案乃知郷者皆吏卒 能絕及田弘正入鄆閱李師道簿書有賞殺武元衡 人心未安不可不備弘正曰今為暴者既除宜施以寛)路偶語犯者有刑弘正既入鄆悉除苛禁縱人遊樂 有司督察甚嚴潼關吏至發人囊篋以索之然終不 '關截陵戟焚倉場流矢飛書以震駭京師沮撓官

節度淄青齊登萊等州觀察使以淄青西面行營供軍 鄆曹濮等州節度使己丑以義成節度使薛平為平盧 志非所欲也弗許 賂於賊容其姦也裴度纂述蔡鄆用兵以來上之憂勤 使王遂為沂海兖密等州觀察使 横海節度使鳥重 **脩奏河朔藩鎮所以能旅拒朝命六十餘年者由諸州** 略因侍宴獻之請內印出付史官上曰如此似出 三月戊子以華州刺史馬總為

各置鎮將領事收刺史縣令之權自作威福鄉使刺

史各得行其職則雖有奸雄如安史必不能以一州 命由重角處之得宜故也 暴横為患故重角論之其後河北諸鎮惟横海最為順 兵並令刺史領之夏四月丙寅詔諸道節度都團 也臣所領徳棣景三州已舉牒各還刺史職事應在 武元衡賊王士元等十六人詔仗内京兆府御史臺 以來節度使權重所統諸州各置鎮兵以大將主之 防禦經略等使所統支郡兵馬並令刺史領之自至 秋七月丁丑朔田弘正送 獨

定四庫全書.

度為罪均終不免死故承之上亦不欲復辨正悉殺之 徧鞫之皆款服京兆尹崔元略以元衡物色韵之則多 充密觀察使王遂本錢穀吏性狷急無遠識時軍府草 等後期聞恒人事成遂竊以為己功還報受賞具今自 異同元略問其故對曰恒鄆同謀遣客剌元衡而士元 三千絹五千雜繒三萬金銀器千而汴之庫廏尚有錢 百餘萬緡絹百餘萬匹馬七千匹糧三百萬斛 戊寅宣武節度使韓弘始入朝上待之甚厚弘獻馬

ALL OF MALE OF LAND

每晋將卒輒曰反屬又盛夏役士卒皆府舍督責峻急 創人情未安遂專以嚴酷為治所用杖絕大於常行者 將卒憤怨卒卯役卒王弁與其徒四人浴於沂水密謀 以為然約事成推弁為留後壬辰遂方宴飲日過中弁 猶愈乎明日常侍與監軍副使有宴軍將皆在告直兵 等五人突入於直房前取弓刀徑前射副使張敦實殺 多休息吾屬垂此際出其不意取之可以萬全四人皆 作亂曰今服役觸罪亦死奮命立事亦死死於立事不

州軍亂甲辰以棣州刺史曹華為沂海究密觀察使 刻暴立斬之傳聲勿驚監軍弁即自稱留後朝廷 之遂與監軍狼狽起走弁執遂數之以盛暑與役用 迎候道路留後宜速發弁即日發沂州導從尚百餘 徐州境所在減之其衆亦稍逃散遂加以扭械 月朝廷議興兵討王弁恐青鄆相扇繼變乃除弁 開九月戊寅腰斬東市先是三分鄆兵以隸三 刺史遣中使賜以告身中使绐之曰開州計已有

千二百人無一得脱者門屏間赤霧萬丈餘久之方散 兵赴鎮以討之沂州將士迎候者華皆以好言撫 甲士千人於幕下乃集衆而諭之曰天子以鄆人有 徒之勞特加優給宜令鄆人處右所人處左既定 人皆出因闔 将士何得輕害之語未畢伏者出圍而殺之死者 匹庫全書, 入城慰安其餘衆皆不疑華視事三日大餐將 死朝廷以為師道餘黨凶能未除命曹華引棣 門謂鄆人曰王常侍以天子之命為帥

鉝

定

書為誘人之餌乎且作亂者五人耳乃使曹華設詐 뽫窩發尚沂帥得人戮之易於犬豕耳何必以天子 詔 臣光曰春秋書楚子虔誘蔡侯般殺之于申彼列國 以聚斂之才殿新造之邦用岢虐致 子循深貶之惡其誘討也況為天子而誘匹夫乎王 以令其士卒上下盼盼如冦讐聚處得間則更相 餘人不亦濫乎然則自今士卒孰不猜其將帥將 , 亂王弁庸夫

惟先發者為雄耳禍亂何時而弭哉惜夫憲宗削平

通鑑紀事本末

)

信故也 大使掌幽州留務濟軍瀛州次子總為瀛州剌史濟署 唐憲宗元和五年 目官成國實謀許使人從長安來曰朝廷以相公逗留 行營都知兵馬使使屯饒陽濟有疾總與判官張玘孔 亂幾致治平其美業所以不終由茍徇近功不敦大 河朔再叛 劉濟之討王承宗也以長子組為副

厅匹眉台言!

卷三十四下

無功已除副大使為節度使矣明日又使人來告曰副

根固帶天下莫能危也然顧眄之間身死家覆皆不自 劉關李錡田季安盧從史吳元濟阻兵馮險自以為深 總矯以父命杖殺之遂領軍務 人追紀請行營以張玘兄專代知留務濟自朝至日是 舉軍驚駭濟憤怒不知所為殺大將素與絕厚者數十 大使旌節已至太原义使人走而呼曰旌節已過代 定日車至書 三年夏四月幽州大將譚忠説劉總曰自元和以來 食渴索飲總因寡毒而進之乙卯濟薨紀行至涿州 通鑑紀事本末

知此非人力所能及殆天誅也況今天子神聖威武告 國兵駸駸北來趙人已獻城十二忠深為公憂之總立 身焦思縮衣節食以養戰士此志宣須東忘天下哉今 每視事退則處其中或處他室則驚悸不能寐晚年恐 數見父兄為崇常於府各飯僧數百使晝夜為佛事 宗長慶元年盧龍節度使劉總既殺其父兄心常自 拜曰聞先生言吾心定矣遂專意歸朝廷 尤甚亦見河南北皆從化春正月己卯奏乞棄官為

姓給復一年軍士賜錢一百萬緣 節度使 乙卯以權知京兆尹盧士政為瀛英觀察使 無侍中充天平節度使以宣武節度使張引靖為盧龍 以紫 僧服及天平節鉞侍中告身并賜之惟其所擇詔 且以其私第為佛寺韶賜總名大覺寺名報恩遣中 未至總已削髮為僧將士欲遮留之總殺其唱帥者<u>上</u> 巴詔劉總兄弟子姪皆除官大將僚佐亦宜超權百 仍乞賜錢百萬緡以實將士 三月癸丑以劉總 劉總奏怨乞為僧

灾已日事公营

通鑑紀事本末

屬為三道以幽涿營為一道請除張弘靖為節度使死 奏總不知所在於亥卒于定州之境 而盡誠於國故舉之士攻則總妻族之親也總又盡擇 河東以寬簡得衆總與之鄰境聞其風望以燕人祭舊 為澶為一道請除平盧節度使辞平為節度使滅 人夜以印節授留後張北通去及明軍中始知之北 久故舉弘靖自代以安輯之平萬之子知河朔風俗 一道請除權知京兆尹盧士政為觀察使弘靖先在 初劉總奏分所

請中書求官植元額不之省及除弘靖**幽州勒克**融華 餘皆統於弘靖朱克融軍久羁旅京師至假丐衣食日 危大體茍欲崇重弘靖惟割瀛莫二州以士政領之 方酣宴不留意天下之務崔植杜元顏無遠略不知安 征馬萬五千匹然後削髮委去克融滔之孫也是時 之京師乞加獎拔使燕人有慕羨朝廷禄位之志又獻 麾下宿将有功仇健難制者都知兵馬使朱克融等送

歸本軍驅使克融輩皆憤怨先是河北節度使皆親冒

通點犯事本末

客將吏罕得聞其言情意不接政事多委之幕僚而所 之中無人弱之弘靖莊默自尊涉旬乃一出坐決事賓 寒暑與士卒均勞逸及弘靖至雅容驕貴角與於萬泉 絡賜將士弘靖留其二十萬緣充軍府雜用雅華復裁 甚盛或夜歸燭火滿街皆燕人所不習也韶以錢百萬 刻軍士糧賜絕之以灋數以反屬詬責吏卒謂軍士曰 判官章雅華多年少輕薄之士階尚豪縱出入傳呼

今天下太平汝曹能挽兩石弓不若識一丁字由是軍

飲定四庫全書

營呼誤作亂將校不能制遂入府舍掠弘靖貨財婦 囚 其前導雍命曳下欲於街中杖之河朔軍士不貫受杖 弘靖请改心事之凡三請弘靖不應軍士乃相謂曰相 弘靖於蓟門館殺幕僚韋雍張宗元崔仲卿 服雍以白弘靖弘靖命軍虞候繁治之是夕士卒 候劉操押不張抱元明日軍士稍稍自悔悉請館謝 人人怨怒 秋七月甲辰韋雍出逢小將策馬

公無言是不赦吾曹軍中豈可一日無帥乃相與迎

通過紀事本末

將朱洄奉以為留後洄克融之父也時以疾廢卧家自 監軍奏軍亂丁已貶張弘靖為賓客分司己未再貶古 欽 州刺史庚申以昭義節度使劉悟為盧龍節度使悟以 義節度使 徹罵 日汝何敢反行且族滅 聚共殺之 有父兄之仇乃以魏兵二千從赴鎮因留以自衛走 老病請使克融為之衆從之眾以判官張徹長者不 定四庫全書 ?融方殭奏請且授克融節鉞徐圖之乃復以悟為 初田弘正受韶鎮成德自以久與鎮 甲寅幽州

以錢百萬緡賜成德軍度支輦運不時至軍士益不悦 不報不得已遭魏兵歸俊沔之孫也弘正厚於骨肉兄 正輦魏鎮之貨以供之相屬於道河北將士頗不平詔 弟子姪在兩都者數十人競為侈靡日費約二十萬弘 潛謀作亂每抉其細故以激怒之尚以魏兵故不敢 知兵馬使王庭凑本回鶻阿布思種也性果悍陰 As also 通鑑紀事本末 主

3

Þ

請度支供其糧賜户部侍郎判度支崔倰性剛褊無家

愿以為魏鎮各自有兵恐開事例不肯給弘正四上表

發及魏兵去壬戌庭凑結牙兵誤於府署殺弘正及僚 佐元從將吏并家屬二百餘人庭湊自稱留後逼監軍 涇原節度使瀛莫將士家屬多在幽州壬申莫州都 深陳利害及鎮州亂上賜元卿白玉带辛未以元卿為 於崔植為再從兄故時人莫敢言其罪初朝廷易置魏 宋惟澄奏求節鉞八月癸巳惟澄以聞朝廷震駭崔 候張良佐潛引朱克融兵入城刺史吳暉不知所在癸 汸 四周白言 臣左金吾将軍楊元卿上言以為非便又請宰相 卷三十四下

寶劒王带遺之曰昔吾先人以此 劒立大勲吾又以之 節度使李想聞田弘正遇害素服令將士曰魏人所以 報之衆皆慟哭深州刺史牛元翼成德良将也想使以 得通聖化至今安寧富樂者田公之力也今鎮人不道 平蔡州今以授公努力翦庭湊元翼以劒帶徇于軍報 |頭盡死想將出兵會疾作不果元異趙州人也乙亥 敢害之是輕魏以為無人也諸君受田公恩宜如 通鑑紀事本末 主

E e

The sy tem

酉王庭湊遣人殺冀州刺史王進发分兵據其州魏

起復前涇原節度使田布為魏博節度使令乗驛之鎮 各出兵臨成德之境若王庭湊執迷不復宜即進討成 導從而行未至魏州三十里被髮徒既號哭而入居于 士政及監軍僚佐送幽州囚於客館王庭湊遣其将王 領士卒舊将老者兄事之丙子瀛州軍亂執觀察使屬 堊室月俸千緡一無所取賣舊産得錢十餘萬緣皆以 布固辭不獲與妻子賓客缺曰吾不還矣悉屏去旌節 ·攻深州不克丁丑詔魏博横海昭義河東義武諸軍 卷三十四下 掠易州深水遂城滿城 皆死己卯以深州刺史牛元翼為深冀節度使丁亥以 徳大將王儉等五人謀殺王庭湊事泄并部兵三千 大雅之五世孫也己丑以裴度為坐鎮兩道招撫使於 使歷澤潞河東魏博橫海深其易定等道諭以軍期造 殿中侍御史温造為起居舍人充鎮州四面諸軍宣慰 巳王庭凑引幽州兵圍深州 冬十月以裴度為鎮州四 九 月壬子朱克融焚

面行營都招討使左領軍大將軍杜叔良以善事權

通鑑紀事本末

二十四

欠

足可華全書!

得進時幽鎮兵勢方盛諸道兵未敢進上欲功速成官 徳節度使 官薦权良以為深州諸道行營節度使以牛元異為成 辛已魏博節度使田布將全軍三萬人討王庭奏中 己卯易州刺史柳公濟敗幽州兵於白石嶺殺千 朱克融遣兵冠蔚州 戊寅王庭凌遣兵冠貝 展展横海節度使鳥重角奏敗成德兵於饒陽 丁丑裴度自將兵出承天軍故關以討王

於南宫之南拔其二柵

翰林學士元稹與知樞密問

進 臣作 者為患有大小議事有先後河朔逆賊紙亂山東禁 無怨於裴度但以度先達重望恐其復有功大用妨 ,簡深相結求為宰相由是有罷於上每事諮訪馬 極陳其 臣必亂天下是則河朔患小禁聞患大小者臣與 取故度所奏畫軍事多與弘簡從中沮壞之度乃 朋挽敗國政陛下欲掃蕩幽鎮先宜肅清朝廷 朋比奸蠹之狀以為逆監構亂震驚山東姦 闡

將

2

nat to also

必能剪滅大者非陛下覺悟制對無以驅除今文武

通鑑紀事本末

以獎用方深不敢抵觸恐事未行而禍已及不為國計 記多有參差蒙陛下委付之意不輕遭姦臣抑損之事 陳軍事姦臣最所畏憚恐臣發其過惡百計止臣臣又 不少臣素與佞倖亦無讐嫌正以臣前請乗傳請闕面 百僚中外萬品有心者無不憤忿有口者無不咨嗟直 一為身謀臣自兵與以來所陳章疏事皆要切所奉書 (這)日時進退皆受羈牽意見悉遭故塞但欲令臣 與諸軍齊進隨便攻討姦臣恐臣或有成功曲加阻

宿將知賊未可破按兵觀釁上怒丙戌以杜叔良為橫 乞 若朝中姦臣尚存則逆賊縱平無益陛下儻未信臣言 重角將全軍救深州諸軍倚重角獨當幽鎮東南重角 為工部侍郎稹雖解翰林恩遇如故 雖 君一至於此若朝中姦臣盡去則河朔逆賊不討自平 失所使臣無成則天下理亂山東勝負悉不顧矣為臣 出臣表使百官集議彼不受責臣當伏辜表三上上 不悦以度大臣不得已癸未以弘簡為弓箭庫 通鑑紀事本末 横海節度使鳥

稍薄軍士怨怒宵潰推廷鉴為主行且收兵至七千 **兵攻棣州平遣大將李叔佐將兵救之刺史王稷供饋** 酉淄青節度使薛平奏突將馬廷崟作亂伏誅時幽鎮 横海節度使杜叔良將諸道兵與鎮人戰遇敵輒北鎮 得精兵二千人逆戰大破之斬廷釜其黨死者數千 徑逼青州城中兵少不敵平悉發府庫及家財召募 節度使徙重角為山南西道節度使 知其無勇常先犯之十二月與午監軍謝良通奏叔 一月辛

定匹庫全書 |

卷三十四下

的 融專討庭湊上從之乙酉以朱克融為平盧節度便 武節度使無深州行管節度使代杜叔良 四方國用已虚上即位賞賜左右及宿衛諸軍無節 鎮用兵久無功府藏空竭勢不能支執政乃議 殺田弘正而朱克融全張弘靖罪有重輕請赦 丁丑義武節度使陳楚奏敗朱克融兵於望都 獲萬餘人 戊寅以鳳翔節度使李光顔為忠 自憲宗征

月 出り、ここ

良大敗於博野失亡七千餘人叔良脱身還營喪其

飲定四庫全書 隨之遂陷弓髙又圍下博中書舍人白居易上言以為 之他日偽遣人為中使投夜至城下守將還內之賊衆 二年春正月丁酉幽州兵陷弓髙先是弓髙守備甚嚴 **戊子義武奏破莫州青源等三柵斬獲千餘人** 逾半年王師無功賊勢猶盛弓髙既陷糧道/不通下博 自幽鎮逆命朝廷徵諸道兵計十七八萬四面攻圍已 有中使夜至守將不內旦乃得入中使大詬怒賊謀知 卷三十四下

深州飢窮日急蓋由節將太衆其心不齊莫肯率先號

生變故又請詔 **蛔者不聞得罪既無懲勸以至遷延若不改張必無** 顧望又朝廷賞罰近日不行未立功者或已拜官 虚得便即令同力剪除若戰勝賊窮亦許受降納款 度將太原全軍無招討舊職西面壓境觀釁而動力 則夾攻以分其力招諭以動 路合下博諸軍 光顏選諸道兵精鋭者留之其餘 /顏將諸道勁兵約三四萬人從東速進 解深那重圍與元異合勢 `其心必未及誅夷自

E

e

The ormal part

通鑑紀事本末

テハ

尤宜早令退軍者也若兩道止共留兵六萬所費無多 成功又朝廷本用田布令報父警今領全師出界供給 度支數月已來都不進討非田布固欲如此抑有其由 都監一人諸道監軍一時停罷如此則衆齊令一必有 資糧無恐撓敗軍陳故也今既私留東西二師請各置 用者悉遣歸本道自守土疆蓋兵多而不精豈惟虚費 魏博一 之費計實錢近二十八萬編若更遷延將何供給此 月白這 一軍界經優賞兵驕將富莫肯為用況其軍 卷三十四下

苟兵數不抽軍費不減食既不足衆何以安不安之中 無所得初田布從其父弘正在魏善視牙將史憲誠屢 往不得至院在塗為諸軍邀奪其懸軍深入者皆凍餒 博盡為成德兵所掠時諸軍匱乏供軍院所運衣糧往 **闕盡許則人心無慘自古安危皆繋於此伏乞聖慮察** 何事不有況有司迫於供軍百端斂率不許即用度交 念之疏奏不省已亥度支饋滄州糧車六百乗至下

通鑑紀事本末

既易支持自然豐足今事宜日急其間變故遠不可知

悦曰故事軍出境皆給朝廷令尚書刮六州肌肉以奉 鎮軍于南宫上屢遣中使督戰而将士驕情無關志又 與幽鎮本相表裏及幽鎮叛魏人固搖心布以魏兵計 使軍中精鋭悉以委之憲誠之先奚人也世為魏將魏 稱薦至右職及為節度使遂寄以腹心以為先鋒兵馬 因聚心不悦離間鼓扇之 有詔分魏博軍與李光顏 軍雖尚書瘠已肥國六州之人何罪乎憲誠陰蓄異志 屬大雪度支饋運不繼布發六州租賦以供軍將士不 **新定四庫全書** 卷三十四下

蹇曰尚書能行河朔舊事則死生以之若使復戰則不 使救深州庚子布軍大潰多歸憲誠布獨與中軍八千 奉表號哭拜授幕僚李石乃入陪父靈抽刀而言曰上 略曰臣觀衆意終負國恩臣既無功敢忘即死伏願陛 下速救光顔元翼不然者義士忠臣皆為河朔屠害矣 能也布無如之何歎曰功不成矣即日作遺表具其狀 人還魏壬寅至魏州癸卯布召諸將議出兵諸將益偃

以謝君父下以示三軍遂刺心而死憲誠聞布已死乃

通鑑紀事本末

諭其泉遵河北舊事衆悦權憲誠還魏奉為留後戊申 廷不得已二月甲子以庭湊為成德節度使軍中将士 已軍士自采薪易日給不過陳米一勺深州圍益急朝 刺史王日簡為横海節度使日簡本成德牙將也去子 得旄鉞外奉朝廷然内實與幽鎮連結 庚戌以徳州 魏州奏布自殺己酉以憲誠為魏博節度使憲誠雖喜 三面救之皆以乏糧不能進雖李光顏亦閉壁自守而 **貶杜叔良為歸州刺史王庭凌圍牛元異於深州官軍** 匹庫全書 將不得專號令戰少勝則飛驛奏捷自以為功不勝則 皆聚山澤為盜及朱克融王庭湊作亂一呼而亡卒皆 兵請密詔天下軍鎮有兵處每歲百人之中限八人逃 衆又諸節度既有監軍其領偏師者亦置中使監陳主 死上方荒宴不以國 事為意遂可其奏軍士落籍者衆 記微諸道兵討之諸道兵既少皆臨時召募烏合之

الملا من المد من المد من المد

通鑑紀事本末

位也兩河畧定蕭俛段文昌以為天下已太平新宜消

官爵皆復其舊以兵部侍郎韓愈為宣慰使上之初即

迫骨主將以罪歸之悉擇軍中騎勇以自衛遣蘇懦者 竭力盡崔植杜元顏王播為相皆庸才無遠略史憲誠 如織驛馬不足掠行人馬以繼之人不敢由驛路行故 就戰故每戰多敗又凡用兵舉動皆自禁中授以方略 既逼殺田布朝廷不能討遂并朱克融王庭湊以節鉞 皆當時名將討幽鎮萬餘之衆屯守踰年竟無成功財 以諸道十五萬之衆裴度元臣宿望鳥重角李光顔 令夕改不知所從不度可否惟督令速戰中使道路 E THE AT THE

横海節度使王日簡姓名為李全畧 癸未加字光顔 零不從各以其眾堅壁賊竟不能取故賞之 丙子賜 横海節度使為景觀察使其忠武深州行營節度如故 弼寰所戍在幽鎮之間朱克融王庭湊互加誘脅良弼 道節度使以左神策行營樂壽鎮兵馬使清河傳良弼 旌節乃出張弘靖及盧士政丙寅以牛元異為山南東 為沂州刺史以瀛州博野鎮遏使李寰為忻州刺史良

通鑑紀事本末

授之由是再失河朔記于唐七不能復取朱克融既得

章事如故諫官爭上言時未偃兵度有將相全才不宜 勸上雪王庭凑而罷兵丁亥以度為司空東都留守平 節度副使權知留後仍遣中使入深州督牛元翼赴鎮 不解深州之圍丙戌以知制語東陽馮宿為山南東道 懸軍入饋運難通故割瀉景以隸之王庭凑雖受旌節 以横海節度使李全界為德棣節度使時朝廷以光顔 雖引兵少退猶守之不去元稹怨表度欲解其兵柄故 裴度亦與幽鎮書責以大義朱克融即解圍去王庭湊

鉑

定匹庫全書!

實猶在深州城下韓愈既行衆皆危之詔愈至境更 校工部尚書上聞其解深州之圍故褒之然庭凑之兵 置之散地上乃命度入朝然後赴東都以雪武節度使 李聴為河東節度使 事勢勿遽入愈曰止君之仁死臣之義遂往至鎮庭 刀紋弓以逆之及館甲士羅於庭庭湊言曰所以紛 乃此曹所為非庭湊心愈属聲曰天子以尚書有 三月丙午加朱克融王庭凑檢

將帥材故賜之節鉞不知尚書乃不能與健兒語邪甲

通鑑紀事本末

士前曰先太師為國擊走朱滔血衣猶在此軍何負朝 神策六軍之將如牛元翼者不少但朝廷顧大體不可 衆心動麾之使出謂愈曰侍郎來欲使庭湊何為愈曰 度使劉悟李祐今皆為節度使汝曹亦聞之乎庭凌恐 乃以為賊乎愈曰汝曹尚能記先太師則善矣夫逆 孫有今尚存仕宦者乎田令公以魏博歸朝廷子孫 之為 孩提皆為美官王承元以此軍歸朝廷弱冠為節 禍福豈遠邪自禄山思明以來至元濟師道其

定四庫全書 一

將兵聞當留倉景皆大呼西走光顏不能制因驚懼成 平等舉城降庭湊責其久堅守殺平等將更百八十餘 宴禮而歸之未幾牛元異將十騎哭圍出深州大將藏 外上亦自重之茂午制留度輔政以中書侍郎同平章 度為淮南節度使餘如故 言事者皆謂裴度不宜出 疾已酉上表固辭横海節乞歸許州許之 壬子以表 棄之耳尚書何為圍之不置庭湊曰即當出之因與愈 戊申裴度至長安見上謝討賊無功 李光顏於 通鹽紀事本末

事王播同平章事代度鎮淮南仍無諸道鹽鐵轉運使 李寰帥其眾三千出博野王庭凑遣兵追之家與戰 定四庫全書

殺三百餘人庭湊兵乃還餘衆二千猶固守博野上復

出告身二十通令以便宜給賜稹皆然之有李賞者知

王昭于友明間説賊黨使出元翼仍船兵吏部令史偽

元翼也和王傅于方欲以奇策干進言於元稹請遣客

以傅良弼李寰為神策都知兵馬使 王庭湊之圍牛

以徳 棣節度使李全畧為横海節度使 夏四月甲戌

裴度無罪不當免相元稹與于方為邪謀責之太輕上 甲子度及元稹皆罷相度為右僕射稹為同州刺史以 請其直充犒賞 三司按于方刺裴度事皆無驗六月 兵部尚書李逢吉為門下侍郎同平章事 諫官上言 不得已壬申削稹長春宫使

通出电事本末

Ē

左神策告其事五月丁巳詔左僕射韓皇等鞫之

幽州節度使朱克融進馬萬匹羊十萬口而表云先

其謀乃告裴度云方為稹結客刺度度隱而不發賞詣

等附逢吉競流謗毀傷度竟出之 零為節度使 三年夏五月丙子以晉慈二州為保義軍以觀察使李 飲定四庫全書 西道節度使不無平章事李逢吉惡度右補關張又新 初牛元翼在襄陽數路王庭湊以請其家庭奏 秋八月以左僕射裴度為司空山南

厚因上疏言裴度勲髙中夏聲播外夷若置之嚴郁本

屠牛元異家歎宰輔非才使凶賊縱暴翰林學士幸處

人與聞元翼薨甲子盡殺之

夏六月上聞王庭奏

陳上答聖明下達羣議耳上見度奏狀無平章事以問 苟求臣與逢吉素無私嫌當為裴度無辜貶官今之所 散察點之遠郡如此則在位者不敢不属將進者不敢 相當委之信之親之禮之於事不效於國無勞則置之 留此馮唐所以謂漢文得庶頗李牧不能用也夫御宰 合而聴之則聖理亂之本非有它術順人則理違人則 其參決河北山東必裏朝等管仲曰人離而聴之則思 定四車全書一 伏承陛下當食歎息恨無蕭曹今有一表度尚不能 通鑑紀事本末 투

融王庭凑皆請以兵匠助修東都三月丁亥勅以修東 幸東都令度支員外郎盧貞按視修東都宮關會朱克 敬宗寶歷二年春正月壬辰裴度自興元入朝 亦勸上加禮於度丙申加度同平章事 處厚處厚具言李逢吉排沮之狀上曰何至是邪李程 逢吉之黨百計毀之上雖年少悉察其誣謗待度益厚 庚寅加天平節度使鳥重盾同平章事 月丁未以度為司空同平章事 上自即位以來欲 冬十二月

卷三十四下

使表度對曰克融無禮已甚殆將斃矣譬如猛獸自於 不足乞度支給三十萬端匹又奏欲將兵馬及丁匠五 **眼克融以為疎惡執留勅使又奏當道今歲将士春衣** 勿遣宣慰亦勿索勅使旬日之後徐賜詔書云聞中官 山林中咆哮跳跟久當自困必不敢輒離巢穴願陛下 助修官關上患之以問宰相欲遣重臣宣慰仍索勅

煩擾罷之召盧貞還先是朝廷遣中使賜朱克融時

至彼稍失去就俟還朕自有處分時服有司製造不謹

通鑑紀事本末

定日車全書

皆本道自備朕不愛數十萬匹物但素無此例不可獨 與范陽所稱助修官關皆是虚語若欲直挫其姦宜云 朕甚欲知之已令區處其將士春衣從來非朝廷徵發 李全略薨其子副大使同捷擅領留後重點鄰道以求 失圖者且示含容則云修宫闕事在有司不假丁匠遠 來如是而已不足勞聖慮也上悅從之 丁匠宜速遣來已令所在排比供擬彼得此韶心為黃 夏五月幽州軍亂殺朱克融及其子延齡軍中 横海節度使

節度使 立其少子延嗣主軍務 嗣之罪以闻載義承乾之後也 尋奏同捷復歸滄州 憲誠妄奏李同捷為軍士所逐走歸本道請東身歸朝 文宗太和元年春二月 延嗣并屠其家三百餘人載義權知留後九月數 其人都知兵馬使李載義與弟牙內兵馬使載監 冬十月己亥以李載義為盧龍 李同捷擅據滄景朝廷經歲不 秋八月朱延嗣既得幽州厚 庚申魏博節度使

通鹽紀事本末

テ

官 崔從長奉表與其弟同志同異俱入見請遵朝古 前横海節度副使李同捷為充海節度使朝廷猶慮河南 夏五月丙子以天平節度使烏重盾為横海節度使以 寧節度使王智與奏請將本軍三萬人自備五月糧以 事丁丑加盧龍李載義平盧康志睦成徳王庭湊檢校 北節度使構扇同捷使拒命乃加魏博史憲誠同平章 秋七月李同捷託為將士所留不受詔乙酉武

問同捷冀易世之後或加思貸三月壬戌朔遣掌書記

卷三十四下

定四庫全書

曰晉公於上前以百口保爾使主處厚則不然但仰 李全略為昏姻及同捷叛密以糧助之裴度不知其於 使張播各帥本軍討之同捷遣其子弟以珍玩女妓 討同捷許之八月庚子削同捷官爵命鳥重角王智 **所為自有朝典耳憲誠懼不敢復與同捷通王庭湊為** 河北諸鎮戊午李載義執其姪并所賂獻之史憲誠與 康志睦史憲誠李載義與義成節度使李聴義武節度 謂憲誠無貳心憲誠遣親吏至中書請事韋處厚謂

通監巴事本末

遭使厚賂沙陀酋長朱邪執宜欲與之連兵執宜拒不 受冬十月天平横海節度使鳥重角擊同捷屢破之十 度使從王智與之請也 十二月庚戌加王智與同平 二年春三月己卯王智與攻棣州焚其三門 月丙寅重角薨庚辰以保義節度使李家為横海節

欽定四庫全書]

成朔史憲誠奏遣其子副大使唐都知兵馬使开志紹

泣諫且請發兵討之憲誠不能違 我士卒所過残暴至則擁兵不進但坐索供饋與寅以 為庭凑雖附凶徒事未甚露宜且含容專討同捷己己 書集百官議其事宰相以下莫敢違衛尉卿殷侑獨以 陰以兵及鹽糧助李同捷上欲討之秋七月甲辰詔中 钦定四軍全書! 月丁亥王智與奏拔棣州 下詔罪狀庭凑命鄰道各嚴兵守備聽其自新 通鑑紀事本末 李雲自晉州引兵赴鎮不 夏六月王庭湊 7

將兵二萬五千趨徳州討李同捷時憲誠欲助同捷

零為夏綏節度使 竭力奉之江淮為之耗弊 傅良弼至陝而薨乙酉以 弱為横海節度使 左金吾大將軍李祐為橫海節度使 同捷久未成功每有小勝則虚張首勇以邀厚賞朝廷 四面進討 李同捷堅固寨拔之又破其兵於寨東時河北諸軍討 十一月癸未朔易定節度使柳公濟奏攻 加王智與守司徒以前夏綏節度使傅良 甲午詔削奪王庭湊官爵命諸軍 冬十月魏博敗横海兵於平原 十二月丁尸

侍郎同平章事章處厚薨 李同捷軍勢日蹙王庭 取魏博志紹遂作亂引於部兵二萬人還逼魏州丁丑 不能救乃遣人説魏博大將开志紹使殺史憲誠父子 三年春正月开志紹與成德合兵掠貝州 成節度使李聴帥滄州行營諸軍以討志紹 命諫議大夫柏耆宣慰魏博且發義成河陽兵以討志 辛巴史憲誠奏开志紹兵屯永濟告急求接記義

飲定四庫全書

四十二

王智與奏兵馬使字君謀將兵濟河破無棣壬申中書

之進攻德州 憲誠聞滄景将平而懼其子唐勸之入 李祐討誅之李聴史唐合兵擊开志紹破之志紹將其 兵三千人先屯齊州使之禹城中道潰叛横海節度使 夏四月戊辰李載義奏攻滄州破其羅城李祐拔徳州 種五千犇鎮州 李載義奏攻滄州長蘆拔之 甲辰 朝丙寅憲誠使唐奉表請入朝且請以所管聴命 昭義奏开志紹餘衆萬五千人詩本道降寘之洺州 一月横海節度使李祐帥諸道行營兵擊李同捷破

萬洪代守滄州者疑同捷之詐自將數百騎馳入滄州 能下之而柏耆徑入城取為己功諸將疾之爭上表論 以事誅洪取同捷及其家屬請京師乙亥至將陵或言 制諸將諸將已惡之矣及李同捷請降於祐祐遣大將 其書諫議大夫柏耆受詔宣慰行營好張大聲勢以威 城中将卒三千餘人奔鎮州李同捷與祐書請降祐并奏 王庭湊欲以竒兵篡同捷乃斬同捷傳首滄景悉平五 月展寅加李載義同平章事諸道兵攻李同捷三年僅

定四庫全書一个

通鑑紀事本末

管各歸本道休息但務保境勿相往來惟庭凑或效順 列辛卯貶者為循州司户李祐尋薨 章為節度使 初李祐聞柏者殺萬洪大驚疾遂劇上 節度使以李聽無魏博節度使分相衛澶三州以史孝 李程奏得王庭凑書請納景州又奏开志紹自縊 日祐若死是着殺之也於酉賜者自盡 河東節度使 為達表章餘皆勿受 辛酉以史憲誠為兼侍中河中 副使史唐奏改名孝章 六月丙辰詔鎮州四面行 壬寅攝魏博

聴聴不為備大敗潰走晝夜兼行趨淺口失亡過半轀 聽進至魏州進滔拒之不得入秋七月進滔出兵擊空 北久用兵饋運不給朝廷厭苦之八月壬子以進滔為 亂殺憲誠奉牙內都知兵馬使靈武何進滔知留後李 軍館陶遷延未進憲誠場府庫以治行將士怒甲戌軍 魏博節度使復以相衛澶三州歸之 重兵械盡棄之昭義兵救之聽僅而得免歸于滑臺河 滄州承喪亂之

定日車全書

19

遣中使賜史憲誠旌節於酉至魏州時李聴自貝州還

餘骸骨散地城空野曠户口存者什無三四癸丑以衛 因鄰道微露請服之意士申赦庭凑及將士復其官爵 罷度支給賜三年之後户口滋殖倉廪充盈 王庭凑 招撫百姓勸之耕桑流散者稍稍復業先是本軍三萬 度為司徒平章軍國重事俟疾損三五日一入中書 人皆仰給度支侑至一年租稅自能照其半二年請悉 四年夏四月裴度以髙年多疾懇辭機政六月丁未以 即殷侑為齊徳滄景節度使侑至鎮與士卒同甘苦

之功且事朝廷恭順二月壬辰以載義為太保同平章 正元犇易州志誠又殺莫州刺史張慶初上召宰相謀 之循前日載義得之也因而撫之使捍北秋不必計其 之牛僧孺曰范陽自安史以來非國所有劉總整獻 埸後院副兵馬使楊志誠與其徒呼譟作亂載義與子 逆順上從之載義自易州赴京師上以載義有平滄景 其地朝廷費錢八十萬緣而無絲毫所獲今日志該得

配司事 在 事一人

通鑑紀事本末

型四

五年春正月庚中盧龍監軍奏李載義與勅使宴於秋

臣光曰昔者聖人順天理察人情知齊民之莫能相治 如故以楊志誠為盧龍留後

也故置師長以正之知羣臣之真能相使也故建諸侯 之於萬國能聚善而點惡抑彊而輔弱撫服而懲違禁 以制之知列國之其能相服也故立天子以統之天子

志誠逐之此天子所宜治也若一無所問因以其土田爵

位授之則是將帥之廢置殺生皆出於士卒之手天子 七年春二月癸亥加盧龍節度使檢校工部尚書楊志 廷之制惟知尚書改僕射為遷不知工部改吏部為美 誠檢校吏部尚書進奏官徐廸詣宰相言軍中不識朝 夏四月已丑以李載義為山南西道節度使楊志誠為 幽州節度使 孺之言姑息偷安之街耳豈宰相佐天子御天下之道哉 在上奚為哉國家之有方鎮宣專利其財賦而已乎如僧

通鑑紀事本末

鸞送奚契丹使尹士恭甲午遣牙將王文頹來謝恩并 勅使往恐不得出辭氣甚慢宰相不以為意 讓官丙申復以告身并批答賜之文類不受而去 楊志誠怒不得僕射留官告使魏寶義并春衣使焦奉 夏六月し巳以山南 西道節度使李載義為河東節度 仍別遣使慰諭之杜牧憤河朔三鎮之桀驁而朝 者專事姑息乃作書名曰罪言大略以為國家自天 四月百十二 秋八月壬寅加幽州節度使楊志誠檢校右僕

之大命也貞觀中内以十六衛蓄養戎臣外開折衝果 觀之設官言無謂者其十六衛乎本原事迹其實天下 毅府五百七十四以储兵伍有事則戌臣提兵居外無 廢壞作原十六衛以為國家始踵隋制開十六衛自今 魏最下策為浪戰不計地勢不審攻守是也又傷府兵 焦焦然七十餘年矣今上策莫如先自治中策莫如取 敢窺者齊梁蔡被其風流因亦為冦未嘗五年間不戰 寶盜起河北百餘城不得尺寸人望之若回鶻吐蕃無 通職把事本末

臣兵伍未始逆篡此大聖人所以能柄統輕重制郭表 為帥亦不可使為亂耳及其居外也緣部之兵被檄乃 之兵散舍諸府上府不越千二百人三時耕稼一時治 為帥亦無能為叛也自貞觀至于開元百三十年間戎 來斧鉞在前爵賞在後飄暴交捽豈暇異略雖有蚩尤 武籍藏将府伍散田畝力解勢破人人自愛雖有蚩尤 裹聖第神養也至于開元末 愚儒奏章曰天下文勝 矣 則放兵居内其居内也富貴恩澤以奉養其身所部

代已來於其將也弊復為甚卒皆市兒輩多齎金玉員 外不叛内不篡古今已還灋術最長其置府立衛乎近 落鈴鍵哉然為國者不能無兵居外則叛居內則篡使 欲除之且不能也由此觀之戎臣兵伍豈可一日使 大中乾成燕偏重而天下掀然根萌燼然七聖旰食求 **兵內剷邊兵外作戎臣兵伍湍犇矢往内無一人矣尾** 請罷府兵武夫奏章曰天下力殭矣請搏四夷於是府 幽陰折券交貨所能致也絕不識父兄禮義之教復 通盥犯事本末 ロナセ

之乎又作戰論以為河北視天下循珠幾也天下視 卿市公去 耗靡不由是矣嗚呼文皇帝十六衛之古其誰原而復 撓削法制不使縛己斬族忠良不使違己力一勢便 猶四支也河北氣俗渾厚果於戰耕加以土息健馬 則戛割生人略市天下是以天下兵亂不息齊人乾 不為冠其陰泥巧狡者亦能家第口斂委於邪倖由 慨感激之氣百城千里一朝得之其殭傑愎悖 郡得都四履所治指為别館或一夫不幸而

釦

定四庫全書

卷三十四下

便於馳敵是以出則勝處則饒不窺天下之產自可 **剷吳越荆楚之饒以啖兵成是四支財去矣天下四支!** 河東盟津滑臺大梁彭城東平盡宿厚兵以塞屬衝 則精甲銳卒利刃良弓健馬無有也是一支兵去矣 它使是二支兵去矣六鎮之師厥數三億低首仰給 亦猶大農之家不待珠璣然後以為富也國家無河 取才能應費是三支財去矣咸陽西北戎夷大屯盡 不為則沿淮已北循河之南東盡海西叩洛赤地

通監犯事本夫

140

也百人荷戈仰食縣官則挾千夫之名大將小裨操其 敗則一戰可定四支可生夫天下無事之時殿寄大臣 常多此不青實料食之過其敗二也戰小勝則張皇其 餘贏以屬壯為幸以師老為娱是執兵者常少糜食者 偷安奉私戰士離落兵甲鈍與是不東練之過其敗一 歌書品已崇爵命極美田官廣美金繪溢美子孫官美 功犇走獻狀以邀上賞或一日再賜一月累封凱還未 解頭腹兀然其能以是久為安乎令者誠能治其五定四庫至書 不專任責成之過其敗五也今者誠欲調持干戈酒掃 萬夫環旋翔半愰駭之間屬騎乗之遂取吾之旗鼓比 敗四也大将兵柄不得專恩臣勅使送來揮之堂然将 馬肯搜奇出死勤於我矣此厚賞之過其敗三也多喪 甚安一歲未更旋已立於壇墀之上矣此輕罰之過其 兵士顛飜大都則跳身而來刺邦而去回視刀鋸氣色 陳般然將鼓一則曰必為偃月一則曰必為魚麗三軍

坊汗以為萬世安而乃踵前非是不可為也又作守論

更監巴事にた

也亦何必疾戰焚煎吾民然後以為快也愚日大歷貞 策高位美爵充飽其腸安而不撓外而不拘亦猶豢擾 以為今之議者咸曰夫倔彊之徒吾以良將勁兵為街 **麂狼而不拂其心則忿氣不萌此大歷貞元所以守邦** 欽定四庫全書 人 呵王侯通爵越録受之覲聘不來几杖扶之逆息虜盾 則朝廷别待之貸以渥度於是乎潤視大言自樹一家 元之間適以此為,禍也當是之時有城數十千百卒夫 《制削灋角為尊奢天子養威而不問有司守恬而不

唱梁蔡呉蜀躡而和之其餘混澒軒嚣欲相效者往往 心未及畔岸遂有溫名越號或帝或王盟祖自立恬然 人油然多欲欲而不得則怒怒則爭亂隨之是以教 畏走兵四略以飽其志者也是以趙魏燕齊卓起-是運遭孝武宵旰不忘前英後傑夕思朝議故能 子嬪之裝緣采飾無不備之是以地益廣兵益彊 益甚侈心益昌於是土田名器分劃殆盡而賊夫食 鋤小者惠來不然周秦之郊幾為犯獵哉大抵生

通数电事本表


ħ † 之士不敢言兵或恥言之尚有言者世以為魔暴異人 也大歷貞元之間盡反此道提區區之有而塞無涯之 於家刑罰於國征戰於天下此所以裁其欲而塞其爭敢定四庫至書 爭是以首尾指支幾不能相運掉也今者不知非此而 知自何代何人分為二道曰文武離而俱行因使播紳 貞元守邦之術永戒之哉又注孫子為之序以為兵者 反用以為經愚見為盜者非止於河北而已嗚呼大思 也刑者政事也為夫子之徒實仲由再有之事也不

吾不當知君子曰勿居其位可也 議於廊廟之上兵刑已成然後付之於將漢祖言指蹤 由兵也主兵者必聖賢材能多聞博識之士乃能有功 者人也獲兔者犬也此其是也彼為相者曰兵非吾事 卿大夫之辱也歷觀自古樹立其國滅亡其國未始不 李懷仵推兵馬使史元忠主留務 八年冬十月辛已幽州軍亂逐節度使楊志誠及監軍 楊志誠過太原李

通鑑紀事本末

人不比數嗚呼亡失根本斯最為甚禮曰四郊多聖

|将卒朝廷以載義有功不問載義母死葬幽州志誠發 載義自歐擊欲殺之幕僚諫救得免殺其妻子及從行 取其財載義奏乞取志誠心以祭母不許 山領南道殺之 史元忠獻楊志誠所造衮衣及諸僭物丁卯流志誠於 丙辰以史元忠為盧龍節度使 九年春正月乙卯以王元逹為成徳節度使 金定四庫全書 人 通鑑紀事本末卷三十四下 十二月癸未以史元忠為盧龍留後 卷三十四下 三月



校對官中書臣派希旦總校官庶主臣張能照